



Қазақстан Республикасы Үкіметінің кейбір шешімдеріне өзгерістер мен толықтырулар енгізу туралы

Қазақстан Республикасы Үкіметінің 2009 жылғы 4 маусымдағы N 822 Қаулысы.

Заң жобалау қызметін жетілдіру мақсатында Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Қазақстан Республикасы Үкіметінің кейбір шешімдеріне енгізілетін өзгерістер мен толықтырулар бекітілсін.

2. Осы қаулы қол қойылған күнінен бастап қолданысқа енгізіледі.

Қазақстан Республикасының

Премьер-Министрі

К. Мәсімов

Қазақстан Республикасы
Үкіметінің
2009 жылғы 4 маусымдағы
N 822 қаулысымен
бекітілген

Қазақстан Республикасы Үкіметінің кейбір шешімдеріне енгізілетін өзгерістер мен толықтырулар

1. Күші жойылды - ҚР Үкіметінің 31.08.2016 № 497 қаулысымен.

2. Күші жойылды - ҚР Үкіметінің 02.06.2022 № 355 қаулысымен.

3. Күші жойылды – ҚР Үкіметінің 29.12.2016 № 907 қаулысымен.

4. "Қазақстан Республикасы мемлекеттік органдарының заң қызметтері туралы үлгі ережені бекіту туралы" Қазақстан Республикасы Үкіметінің 2006 жылғы 9 қарашадағы N 1072 қаулысында (Қазақстан Республикасының ПҰАЖ-ы, 2006 ж., N 41, 454-құжат):

3-тармақ мынадай редакцияда жазылсын:

"3. Қазақстан Республикасы Әділет министрлігі:

1) басқару ақпаратымен алмасу, Қазақстан Республикасы Үкіметінің заң жобалау жұмыстарының жоспарын орындау туралы үнемі еске салу, заң жобалау жұмысының жай-күйі туралы ақпарат беру арқылы мемлекеттік органдардың заң қызметтерінің жұмысын ведомствоаралық үйлестіруді қамтамасыз етсін;

2) Қазақстан Республикасының Әділет министрі бекітетін кестеге сәйкес Қазақстан Республикасы Әділет министрлігінің құрылымдық бөлімшелерінде мемлекеттік органдардың заң қызметтері қызметкерлерінің жыл сайынғы тағылымдамасын өткізуді қамтамасыз етсін;

3) жарты жылдықтың және жылдың қорытындылары бойынша 10 қаңтардан және 10 шілдеден кешіктірмей мемлекеттік органдардың бірінші басшыларын жүргізілген тағылымдама нәтижелері туралы хабардар етсін;

4) ай сайын, есептіден кейінгі айдың 25-күнінен кешіктірмей Қазақстан Республикасы Премьер-Министрінің Кеңсесіне заң жобалау жұмыстарының жай-күйі туралы ақпарат берсін;

5) ай сайын, есептіден кейінгі айдың 5-күнінен кешіктірмей Қазақстан Республикасы Президентінің Әкімшілігіне ағымдағы жылдың заң жобалау жұмыстары жоспарының жай-күйі туралы ақпарат берсін."

Қазақстан Республикасы
 Үкіметінің
 2009 жылғы 4 маусымдағы
 N 822 қаулысымен
 бекітілген
 Қазақстан Республикасы
 Үкіметінің Регламентіне
 5-қосымша

Қазақстан Республикасы Заңының жобасына АНЫҚТАМА ПАРАҚ

1.	Заң жобасының бастамашысы (органның толық атауы)	
2.	Заң жобасын дайындау жөніндегі жұмыс тобының құрамы	
3.	Заң жобасы бойынша бас комитет	
4.	Заң жобасының Қазақстан Республикасының Парламентінде тіркелген күні	
5.	*Қазақстан Республикасының Парламенті тұрақты комитеттерінің заң жобасы бойынша қорытындылары	
6.	*Заң жобасының ғылыми сараптамасы	
	*Ғылыми сараптама қорытындысының қабылданған және қабылданбаған ескертулері	
	*Ғылыми сараптама қорытындысының ескертулерін қабылдау себептерінің негіздемесі	
	*Жеке кәсіпкерлік субъектілерінің аккредиттелген бірлестіктерінің сараптамалық қорытындылары	
	*Жеке кәсіпкерлік субъектілерінің аккредиттелген бірлестіктері	

7.	сараптамалық қорытындыларының қабылданған және қабылданбаған ескертулері	
	*Жеке кәсіпкерлік субъектілерінің аккредиттелген бірлестіктері сараптамалық қорытындыларының ескертулерін қабылдамау себептерінің негіздемесі	
8.	*Заң жобасын пысықтау процесінде енгізілетін өзгерістер мен толықтырулар	
9.	Заң жобасы бойынша баяндама жасау кімге тапсырылды	
10.	Балама жобалардың бар-жоғы	
11.	Қазақстан Республикасы Парламентінің заң жобасын бірінші оқылымда қараған күні және оның нәтижелері	
12.	Заң жобасын пысықтау және оны екінші оқылымға дайындау тапсырылған бас комитет (комиссия), басқа орган	
13.	Заң жобасын халықтық талқылауға шығару және оның мерзімі	
14.	Комитеттің заң жобасы бойынша қорытындысы (екінші оқылымның алдында)	
15.	Қазақстан Республикасы Парламентінің заң жобасын екінші оқылымда қараған күні және оның нәтижелері	
16.	Заңның күшіне енетін уақыты	
17.	Өзге де белгілер	

* Ескертпе: ақпараттың көлемі едәуір болған жағдайда Анықтама параққа жеке қосымшамен ресімдеуге жол беріледі.